

襄陵縣志卷之十八

節烈

男忠女節彪炳古今然男子讀詩書明道義其砥礪無愧者尚不數數見至女子素守閨閣豈盡解禮知書不幸而綠窻紅顏栢舟早賦青燈白髮黃鵠長吟固已難矣甚至茹苦奉親丸熊教子較忠盡幹濟者不又足多乎志其姓氏爲閨門觀型云

元柴氏

王雲里人適秦潤夫前妻遺一幼子未幾柴亦有子潤夫死柴勤苦紡績遺二子就學至正末長被

累法當誅柴詣官泣訴曰往從惡者吾次子非吾長子也次子亦曰我之罪可加於兄乎鞠之至死不易言官反疑次子非柴所出訊得其情義柴之行遂釋其長子而次子亦得不死事聞旌之復其家

李氏

興義坊人適吳榮歸生子著甫四歲榮歸以吏值兵南畧邑陷而死李時年二十三又值飢荒條極

艱苦義不他適母欲奪其志卒不聽竄伏山谷間或危難抱子涕泣禱曰天苟不絕吾夫之後幸是子之或存也逾十年竟全以歸子長就學登仕年八十四終至元十三年事達省部除免本戶差役

張氏

北靳村人張安長女年十七適靳清生子用甫三歲夫亡誓不他適事舅姑睦妯娌訓子有成先是

鄰婦有以言勸改適者張怒泣不從遂不敢以言相干延祐二年有司上其事表其門

姚氏

西郭村人杜信卿妻夫逝年方二十二無出既葬其夫誓不再適以姪濟民爲嗣撫育無異已出苦

節四十餘年始終如

一至正間旌表其門

明王氏

興義坊人吳承祖妻生子希顏甫一歲承祖亡王

年二十有三誓不再嫁奉舅姑尤謹紡績以給衣食而甘旨無缺比沒脫簪珥以葬洪武二十七年旌表其門與元祖母李氏號一門雙節

李氏

京安西里人解鵬妻鵬故李年二十男孜方五歲李抱屍求與同死其姑涕泣勸慰李遂改悟紡績

奉姑得其歡心撫育幼男日見成立雖比鄰亦絕往來四十餘年始終一節成化十五年知縣張鶴上其

事旌表

其門

王氏

北水關人高盛妻年二十二歲夫亡子幼紡績奉姑誓不再嫁宏治十七年知縣張雲具奏旌表

高氏

京安人舉人李葆妻夫故子宏道方數齡氏茹荼自矢延師訓子萬曆五年巡方具題奉旨建坊

旌表其孫李拭妻閔氏亦以韶年守志御史季公扁曰苦堅松栢

孫氏

北水開人李科妻二十餘歲喪夫生子永泰甫彌月家貧紡績事親課子入泮冰霜之操終身如一

日閣學公舉直指臬司督學道及府縣俱有旌扁屢歲優恤布米

喬氏

西鄧戶人崔忠妻年十九歲矢志守節紡績課子壽八旬有二直指督學邑侯各有旌扁子生員岱

見孝義

賀氏

黃崖里人張黑子妻年三十歲清白食貧流賊至其庄氏度不能免閉門縊死巡撫吳旌以扁曰烈

爭皎日督學道袁扁曰烈可維風

吉氏

雲山里人秦廷材妻十九歲守節至九十一歲二次邑侯旌扁其門

白氏

東閩村人生員吳椿妻年二十二歲夫故冰操自矢稱未亡人者五十餘年按臺旌扁節凜冰霜

馬氏

東閩村人處士吳道成妻年二十有四夫故哀毀幾絕事孀姑撫幼子備極艱辛其子世爵力學成

名無負三遷慈訓其長男世芳物故妻李氏亦矢志守節其長孫玠亦有保弟敦倫之贈扁焉

鄧氏

西鄧戶人郭尚智妻廿四弱齡早賦失天歷年望八貞心永矢子建邦成貢士孫明疆補廩生皆氏

允熊畫荻教也督學
桂旌扁曰中流栢舟

梁氏

王陳里人廩生劉廷贊妻僑寓廣陵乙酉城陷携二子登樓舉火自焚

賈氏

浪泉人張銓妻夫早喪子允紳亦早喪婦王氏年方廿餘姑媳雙操窮困益堅撫孫張君弼登甲午

賢書

翟氏

宋村人大學生梁份妻十七歲守節子中年亦逝撫孫士俊成立列邑庠前邑侯旌扁曰冰蘖自操

李氏

安南梁人張九霄妻二十餘歲夫故守貞撫幼子成家終身茹荼弗變其操邑侯旌扁曰貞節維風

王氏

西王人加如松妻年十九夫故有豪族逼取氏鳴之官始終不渝其節

亢氏

辛店人兩科武舉郭連霄之妻霄故氏年二十有二亦一慟而逝逾時方甦後翁姑念其年少無子

諭以改嫁氏悲泣曰夫死吾亦當死然我之不死者恐絕夫後幸以節操愛我吾必不嫁以辱夫也遂撫

弟擎霄子以爲己子弱

冠遊泮果能克嗣前徽

薛氏

西鄧戶人生員郭明圖妻十八歲孀居性同金石操比冰霜撫遺腹子于京成立人高其行

解氏

東水關人夫盧本實少亡馬公旌扁守節撫孤

梁氏 城南人狄來朝妻一十九歲孀居至七十八歲邑人東明令崔公有扁叙事

國朝

霍氏 趙曲人李騰勝妻年二十餘歲夫故蕪州聞訃哀慟幾絕誓以死守事姑教子脩嘗荼苦五十餘年終始一節鹽院胡督學道錢俱旌表其門雲間倪朋爲立節孝傳

段氏 趙曲人生員翟師孟妻年二十五歲夫故子維濟尙在襁褓後亦蚤亡以弟貢生翟師貢之子維藩承嗣茹荼自守以終天年師貢卽世遺妾楊氏年二十八歲矢志堅貞撫異母子藩一如已出乙酉維揚城陷毀面全身藩勵志成名善事二母克盡子職

陳氏 西鄧戶人崔育橋妻二十一歲喪夫撫襁褓子至中年子復卽世撫數月之孫成立至年逾七旬猶

卷之二 節烈

勤紡績

秦氏

李庄人梁宗仁妻夫歿於秦氏方二十一歲樞歸日慟哭幾絕誓不欲生念公姑年老子方週歲勉

起飲淚仰事俯育一身克肩享壽八十有一從弟安肅令秦植贈扁叙其事

郝氏

通城人張希孔妻年二十歲夫故潔操守節紡績教子邑侯謝公旌扁儲燈貽穀子鴻蘊廩生孫外

雍正丙午科舉人

李氏

趙曲人裴晉彥妻節婦霍氏之女二十四歲孀居事祖姑洎姑曲盡孝養撫子耿聰俱以文學名

翟氏

灵伯人大學生李擘然妻年未三旬夫故廣陵扶襯歸里立志守貞撫前子若已出課讀成名

劉氏

東劉里人宋邦秀妻年二十歲夫故無子堅心守節夫弟僅週歲撫之成立更極辛苦

王氏

趙曲人張士秀妻年廿餘喪夫教幼子維成名宦臨安推官茹苦潔身經道府旌扁邑人杜公繹爲

立傳

孔氏

西鄧戶人楊宗美妻一十九歲夫故無子止生一女家極貧紡績自贍年近八旬無玷婦德

亢氏

通城里人夫楊捷宦遊陝西遭亂憂憤而死氏與幼子間閔千里跋涉東歸煢煢無依紡績督課俾

子正榮得繼書香勵志守貞三十餘載洵婦道中之不可沒也

蔣賢女

通城里儒童高昂聘定爲妻未及婚構昂早逝女撫棺慟哭守貞不字鍼繡自給形神枯瘁跡

已嫁而稱陳人者尤難焉詳載乞言序內

梁氏

趙曲鎮人朱九思妻年二十五歲夫故子方數齡遂以死自誓晝操井白夜勤紡績養舅姑送終教

二子成立
無忝孀節

鄧氏

趙曲人 卒生趙嗣抃妻夫早喪立志守貞撫子俱
得成名

張氏

南閔廂人生員梁鼎隆妻二十七歲夫故堅貞無
二善事舅姑值家道中落力教二子皆能成立

席氏

通城盧尉妻

郭氏

通城盧進妻

李氏

通城王壯麗妻

梁氏

通城盧輝妻

閻氏

薛尙朋妻

景氏

王壯麗妾

賈氏

二梁里吉實妻

楊氏

通城梁得才妻

韓氏

崖北霍遇祚妻

李氏

張禮里王應德妻

武氏

京安庠生張所養妻

黨氏

通城趙用錡妻

趙氏

通城梁承恩妻

賈氏

王積德妻

張氏

劉珂妻

賈氏

鄉民許應鳳妻因輸糧賣其女於西王村既送女獨歸路遇鄰人衛某欲亂之氏堅不從衛扼其喉

而死邑令審鞫情實詳題奉

旨衛置大辟特給許銀五十兩建坊

梁氏

盧象頤妻頤亡氏年二十遺子在襁褓紡績度日遇歲儉窘甚或諷以他適氏堅不從而苦無以自

活徧縫衣

履投水死

李氏

通城里人許祥吉副室幼年喪夫冰霜自持吏部許公登進士爲名臣皆母之教也勅封太孺人

壽八十

四歲

章氏

湖鄧里張添德妻二十八歲孀居家貧脫簪珥以事老翁鄰夫勸以再適氏厲言以絕後教子成立

李氏

劉柴里段加綱妻夫故年二十四歲堂上有垂皓之姑膝下有待哺之子勞勞井臼備歷艱辛

趙氏

荆村里霍光亮妻夫亡年一十八歲兒齡未及二載氏紡績度日事姑至八十餘歲教子大觀成立

王氏

通城里盧煇妻夫故家貧苦氏織紉守節自二十九歲守志迨病歿歷二十五年內外無間言

楊氏

通城里生員徐國翰妻二十九歲孀居守節二十六歲歷事三姑皆得歡心乳哺弟妹疴癢時愍且

翁難於步履氏必親奉几杖又能孤燈教子不愧婦德

盧氏

通城里生員徐國秉妻憾翁亡之未事奉膳主前痛姑老之多病嘗藥膝下十九歲孀居撫孤終身

郭氏

通城里武副榜楊振妻夫歿氏年二十七歲茹藥四十八年其子賴以成立

趙氏

劉柴里生員王有宣妻韶齡孀居姑以家貧勸氏再醮斷髮自誓兄欲奪志永絕歸窻撫姪以嗣血

食節守二

十九年

韓氏

京安人生員翟邦臣妻伉儷十歲孀居七旬奉養
耄之孀姑甘旨無缺撫幼齡孤子學業有成縣有

旌獎

武氏

京安里生員張健翔妻二十七歲夫亡遺子二長
甫六歲次甫三歲又值翁盲姑癩家徒四壁氏孝

親教子皆取之紡
織中洵爲苦節

席氏

通城里增廣生員梁瑋妻夫故氏年二十九歲遺
孤甫匝月勵志食貧事老送終撫孤成立四十年

冰操始
終如一

霍氏

趙曲里生員衛冀妻夫亡氏二十二歲子僅五齡
守節教子有成家罹祝融焦頭爛額捨身救翁以

免於難人皆
慕其節孝

張氏

西鄧里人進士崔瀛妻

劉氏

北水關生員喬于襄之妻夫遭流寇之變歿於中州氏苦節教子伯仲皆士林儀表季運闈成孝廉

作令清正鄉里

咸稱其賢

張氏

京安人翟應寶妻苦節撫孤至七旬而終孫生員翟夢彪之妻柴氏守志撫妾子無異已出歷盡艱

苦五旬

壽終

劉氏

南梁人張奇勲妻勲客死于南訃至氏年十八子甫二月奉姑育子飲泣終身及子婦喪二孫尙幼

賴氏以活可謂

孤苦一節者也

杜氏

興義坊人劉俊妻幼年夫故江南携子千里扶襁歸葬家貧事姑教三子成名邑侯以賢節高風旌

盧氏

廣智坊人楊本沃之媳用章之母二十一歲夫故子出外未歸零仞孤苦八十歲而歿苦節堪悲

程氏

藺村人王承富妻夫故氏年十八誓不再嫁紡績勞苦撫遺腹子成立壽八十三歲

劉氏

張纂人賈德儒妻夫亡守節撫遺腹子成立事翁姑養老送終壽至八旬

阮氏

下寺里主簿楊昞妻幼年守節持家撫姪孫以繼宗祧

楊氏

黃崖人霍田益妻立志守節撫子成家

鄧氏

京安人王俊妻夫故江南氏年二十二歲奉姑撫子六十餘年

程氏

中陳人崔日昶妻少年苦節撫子成立

張氏

北許人王金熊妻十九歲守志撫週歲子成立壽八十二歲

朱氏

孫家院生員孫蘭郁妻郁極貧病目無怨言及夫亡子幼紡績度日後值歲歉染疫子出外困苦以

終鄰里皆

爲悲憫

楊氏

通信坊郭金鉉妻幼年苦節子早逝撫孫成立壽八十餘歲冰操可尚

王氏

西王人單獻琛妻寡居六十七年孝親撫孤

祁氏

張纂人劉永譽妻夫客死於外聞訃以死誓事姑教子至沒不變其志

韓氏

崇仁南生員梁君寵繼妻幼年家貧苦節年飢二子凍餓死不變其志僅一子奉老里人哀之

李氏

小鄧人貢生郭于京副室少年守志撫孤成立

席氏

赤鄧人生員鄭友崇妻二十九歲崇故事祖姑及姑克盡婦道教子生員鄭其心成立鄉里稱孝閭

邑侯以母節

子孝表之

賈氏

杜村人武生劉宏鳳妻年幼守節事姑撫姪以繼夫後

程氏

北許人王承宗妻夫卒無嗣撫甥以續夫後貧苦二十餘年以疾終

席氏

張相人段際泰妻十九歲守節撫六月之子以至成立卒年七十一歲

梁氏

趙山人李商溪妻苦志堅貞撫按俱有旌表見本鎮土地院杜繹碑記

楊氏

浪泉村人閻思忠妻二十八歲同妾郭氏甘貧守節撫二子成立壽至八十六歲

盧氏

南關人王勤妻夫故守節紡績撫子子協失明能孝事其母始終不懈

翟氏

明禮坊人楊禎妻二十餘歲守節其子病目伶仃孤苦壽至六十餘歲

蘇氏

張相村人段方妻年十八夫故撫週歲之子事七
司之姑紡績度日後子亡又繼一子視若已出且

明義方壽

至九十

崔氏

梁寺里人張內涵妻十八歲守節上事翁姑下育
二子壽七十四歲

王氏

通城里人喬大用妻幼年守節撫子喬照以文名
鹽院李旌其門曰燕門遺響

賈氏

北戍人薛武杰妻夫亡氏二十四歲幼子尚在襁
褓零有孤苦者數十年今年八十三歲閭邑侯以

苦節純

孝旌之

趙氏

中陳人席承文妻夫亡無子苦節五十餘年今七
十六歲

喬氏

孫家院人孫應連妻夫故時二十七歲事繼姑盡
孝教二子有方今七十二歲閭邑侯給扁以旌

鄭氏

西梁人梁天福妻三十歲寡無子取姪以嗣紡績養姑今年七十餘歲

楊氏

趙曲人貢生裴章度副室章亡無嗣氏適有娠矢志撫遺腹子成立今三十餘年人無間言趙邑侯

以匾旌之

李氏

鄧曲人武舉趙璧繼妻夫亡氏十七歲子僅週期事姑以婦代子教子以母爲父勵學憲以匾旌之

王氏

南關人張荐妻幼年守節孝事翁姑撫三子俱成立

趙氏

明禮坊人孔尙寬繼妻幼年守節撫前子及己子無異皆至成立

盧氏

齊村人裴如度妻少年寡居教子成立

杜氏

東王人王國瑾妻以廿八之幼婦撫七歲之孤兒鄉里稱之

王氏

京安人張四維妻幼年守節事翁姑菽水罔懈

薛氏

北許人許國清妻少年守節紡績奉姑教子成立

楊氏

南關人李璉妻幼年守志事垂白之翁姑撫兩歲之幼子

郭氏

北關人關文傑妻幼年守節撫子成立

趙氏

廣智坊徐儀兆妻守節撫孤

吉氏

趙曲人郭宏瑞妻甘貧撫孤

高氏

趙曲人賈璉妻二十三歲守志撫三歲子以至成立

加氏

南柴人許一道妻堅志苦節閭邑侯以匾旌之

關氏 景村人李治興妻貧節撫孤

席氏 陶寺人張銓妻年十九夫亡撫孤及孫宗派賴之

李氏 陶寺人石騰薦妻夫卒于外紡績撫孤後遣子出外負骸而歸閭邑侯旌之

王氏 王陳里人李雲慶妻廿一孀居守節四十二載上無翁姑可倚下無子女可有家貧無悔苦節可矜

喬氏 陶寺人貢生王者佑妻二十二歲夫故無子守節今週花甲

劉氏 燕村人劉緒振妻振亡無子氏守節至今六十五歲

張氏 北辛店人加文英妻夫故廿一歲撫遺孤不克終育孫成立年踰七旬紡績度日

劉氏 京安里人關時薦妻夫亡一十八歲事翁姑克終天年年九十三歲閭里欽仰

楊氏 范村人陳安畧妻夫漂流陝西子尋父未歸三十多年氏事老翁六十年歲飢能竭力織紡奉事無

缺今年八十九

歲鄉里稱之

張氏 趙曲人張嘉善妻夫亡無子紡績事姑日夜不怠

梁貞女 崇仁南人詳見貞女傳

劉氏 趙曲人沈清妻年幼守節貧苦撫孤

張氏 大陳人萬鑛妻二十一歲守節撫孤成立今年九十歲

杜氏 通城里生員王鼎妻幼年孀居撫子成立邑令門旌其門曰節孝致福今年六十八歲

韓氏 北成村人梁揖妻苦節五十六載壽八十四歲終

王氏

南賈人賈琰妻廿九歲守節撫子成立家五世同居人口繁多氏主中饋老幼無間言尤其難之

馬氏

劉庄村從九品趙茂榮妻二十七歲夫故謹事翁姑恪守婦道辛勤教子名列膠庠苦節四十餘年

同治五年

題請旌表

秦氏

胡村監生徐榮茂妻夫卒氏年二十七姑老子幼矢志守貞子復先氏卒又撫弱孫卒克成立徐門

似續賴以不絕同

治五年題請旌表

張氏

北靳村從九品靳登嚴妻孝事翁姑勤儉治家登嚴卒氏年二十七矢志守節撫前室子如已出教

之讀書俾以成名同

治五年題請旌表

崔氏

大陳村監生張英妻十七歲孀居青年矢志白首完貞同治五年題請旌表

席氏

劉庄村楊發榮妻二十九歲夫故家貧紡績度日奉舅姑無缺甘旨撫遺孤教以義方守節四十餘

年同治五年

題請旌表

段氏

東柴村監生郭繼松繼妻二十八歲夫故事姑嫜曲盡孝養茹藥飲冰三十餘年同治五年題請旌

表

李氏

通城里北關廂武生喬養善妻二十九歲夫故事親撫孤孝慈兼盡同治五年題請旌表

吳氏

京安鎮生員柴友蕙妻佐夫讀書深明大義友蕙病故氏年二十九時祖姑在堂孝養惟謹撫姪爲

嗣克紹書香同治

五年題請旌表

任氏

浪泉村從九品秦克元妻二十九歲夫故孝養翁姑甘心守節有奪其志者薙髮毀面以明不貳厥

後家道益窘矢志彌堅訓子撫孫俾各成立苦節五十餘年同治五年題請旌表

張氏

薛村賈居謙妻幼嫻母教孝事翁姑居謙卒氏年二十九矢志守節撫子成名同治五年題請旌表

成氏

景村人李從魁繼妻二十八歲夫故事孀姑以孝稱撫前室子如已出守節四十餘年同治五年題

請旌

表

王氏

雙鳧村丁毓清妻二十九歲夫故事姑嫜克盡婦道雖家中瑣事必稟命而後行同治五年題請旌

表

郭氏

南關廂梁鎮妻三十歲夫亡無子撫姪爲嗣守節三十餘年同治五年題請旌表

李氏

張纂村賈致和妻二十八歲夫故杜門守志數十年足跡不踰閨闈撫姪爲嗣尤能教以義方同治

五年題
請旌表

秦氏

張相村段逢年繼妻二十歲夫故家貧勤紡織以供舅姑艱難困苦無虧婦道同治五年題請旌表

祁氏

張纂村陳達倫妻二十四歲夫亡誓不再適艱苦備嘗不渝初志守節四十餘年邑侯譚以貞節延

齡獎之同治五
年題請旌表

王氏

通城里處士李向春妻二十五歲夫故甘貧守志三十餘年始終如一同治五年題請旌表

柴氏

劉庄村處士劉繼祖妻二十九歲孀居性純孝善事舅姑躬勤紡織撫子成立同治五年題請旌表

賈氏

黃崖村副榜丁扶清繼妻二十九歲夫故撫子成名同治五年題請旌表

張氏

鄧庄村處士喬肯堂妻年十七夫亡無子撫侄爲嗣敬事伯兄奉養如禮譚邑侯旌以匾曰霜操冰

心同治五年

題請旌表

鄧氏

南關廂盧錦妻年十六歲于歸閱五載夫故氏呼天自誓矢死靡他後翁姑相繼歿喪葬如禮撫幼

子零丁孤苦克底成立

同治五年題請旌表

傅氏

劉莊村處士趙秉讓妻年二十八歲夫故誓不再適孝孀姑撫幼子家徒壁立惟以紡績度日仰事

俯畜稱能事焉同

治五年題請旌表

段氏

通城里吳榮甲繼妻年二十一歲夫故孝事舅姑慈育幼女三十餘年不渝初志同治五年題請旌

表

陳氏

安李村張允迪妻年二十九歲夫故性嚴肅謹言笑持家勤儉教子成立同治五年題請旌表

郭氏

劉庄村處士趙成榮妻年二十六歲夫故堅貞自矢歷久不渝壽六十有六同治五年題請旌表

高氏

西徐村監生徐兆熊妻年二十七歲夫卒事親撫孤守節四十餘年同治五年題請旌表

許氏

賈庄村生員薛明誠妻年二十七歲孀居矢志守節撫子成立同治五年題請旌表

李氏

劉庄村監生劉增武妻年二十八歲夫故養親撫子克盡孝慈貞志苦節里黨稱之同治五年題請

旌表

晉氏

劉庄村王全義妻幼嫻姆訓事舅姑以孝謹稱夫歿氏年二十九子尙襁褓矢志撫孤卒克成立同

治五年題請旌表

崔氏

鄧庄村鄧在中妻年二十七歲夫故截髮明心誓不再適躬勤紡織孝事翁姑歿年五十六歲同治

五年題

請旌表

楊氏

北梁村喬爾讓妻年二十歲夫故家貧矢志守節艱苦倍嘗撫姪爲嗣恩義兼盡歿年四十六歲同

治五年題

請旌表

單氏

東柴村段玉璜妻年二十六歲孀居苦節清操鄉里欽之歿年四十九歲同治五年題請旌表

王氏

齊上村處士盧雷妻賦性貞靜事舅姑克盡孝養年二十五歲孀居足不出閨閭者數十餘年教子

尤有義方壽八十有三

同治五年題請旌表

張氏

通城里盧士哲妻年二十九歲夫亡無子家貧以紡績度日事翁姑竭力奉甘旨有勸之再適者嚴

拒之艱苦萬狀歷久彌堅歿後家無長物隣里憫之爲治殮具焉題請旌表

李氏

莊頭村焦天星繼妻二十八歲夫故躬紡績以奉舅姑撫前室子如已出歿年五十有二題請旌表

范氏

劉庄村楊貴略妻年二十六歲孀居孝養舅姑克盡婦職歿年七十六歲題請旌表

許氏

通城里徐通妻年二十一歲夫故茹苦含辛終身如一日撫姪爲嗣教之成立壽八十有三題請旌

表

許氏

通城里生員王純如妻年二十六歲夫亡欲以身殉娣姒輩勸之日老親在堂幼子在抱若與俱亡

適貽亡者憂意始解克孝克慈終始無間言歿年七十歲題請旌表

李氏

燕村監生劉秉秀妻年二十五歲夫故冰霜勵操撫子成立同治五年題請旌表

梁氏

東靳里從九品賈文錄妻年三十孀居教育遺孤以母代師子已成立猶時加鞭朴焉同治三年題

請旌表

王氏

北關村闕懷禮妻二十八歲夫故謹事舅姑紡績課子守節四十餘年同治三年題請旌表

陳氏

小寒村貢生姜光署妻二十歲夫故家貧養親教子備極艱辛守節四十餘年同治三年題請旌表

賈氏

京安鎮闕彙組妻年十九歸闕甫一載夫卒前室子承運方六歲氏矢志撫孤愛之如已出教養兼

施以期成立飲冰茹蘗極極艱辛後承運遊庠序食廩餼同治丁卯登賢書現年五十九歲同治三年題

請旌表

張氏

燕村監生劉仕銘妾二十八歲守節奉親以孝待嫡以禮二子一登仕版一入邑庠同治三年題請

旌表

王氏

燕村處士劉作霖妻年二十五歲夫故家貧藜藿自甘堅貞益勵同治三年題請旌表

朱氏

燕村生員郭連茹妾年二十四歲守節事嫡撫孤各盡其道以禮自防終始不易同治三年題請旌

表

張氏

東劉里崔村處士崔長泰妻年二十一歲夫故事姑以孝訓子耿元克振家聲同治三年題請旌表

張氏

浪泉村處士賈朝華繼妻年二十七歲守節和以處家嚴以教子鄉里欽懿範焉同治三年題請旌

表

徐氏

中陳村生員席步奎繼妻年三十歲守節奉孀姑撫弱息孝慈克盡苦節以終同治三年題請旌表

吳氏

南梁村張錫智妻年十八夫故事翁姑無缺禮撫姪爲嗣慈愛如已出同治三年題請旌表

席氏

通城里監生宋士純繼妻士純亡氏年二十七遺子未及二旬上無翁姑下鮮伯叔零丁孤苦守志

三十餘年同治

三年題請旌表

吳氏

燕村處士梁敦仁妻二十七歲守節孝以事親和以處家教育幼子尤有義方同治三年題請旌表

趙氏

南賈村監生賈效禹妻效禹亡氏年二十三歲子甫六齡誓志撫孤遵夫遺命事翁姑曲盡孝養同

治三年題

請旌表

楊氏

大陳村處士王永浪妻年十九歲夫故生遺腹子誓志撫孤王嗣賴以不隕同治三年題請旌表

崔氏

湖李村處士王多福妻夫故氏年十九形單影隻孤苦伶仃茶蘖自甘始終罔替同治三年題請旌

表

吳氏

崔村廩生崔含輝妻含輝卒氏年二十四歲奉養舅姑克盡婦道節義自守老而益堅同治三年題

請旌表

陳氏

大陳村監生張萃和妻年二十二歲夫故事舅姑以孝稱姑病甚焚香願天願以身代姑病愈人以

爲孝感所致云同治三年題請旌表

吳氏

吉柴村貢生韓邦彥妻年二十五歲孀居家貧有勸之再醮者氏痛絕之奉養舅姑始終罔懈同治

三年題請旌表

張氏

南賈村賈榮昌妻夫故時氏年二十二生子僅彌月氏誓不他適事親撫孤孝慈兼盡同治三年題

請旌表

朱氏

西梁村監生張通溶妾夫亡氏年二十九矢志守節事親教子竭盡心力同治三年題請旌表

蘇氏

席劉里處士李萬年繼妻年二十九歲孀居事舅姑親操井白歷久不衰同治三年題請旌表

高氏

東郭村武生杜劍鋒妻年二十七歲夫故守節事親教子歷三十餘年同治三年題請旌表

馬氏

荆村霍資沛妻年二十九歲守節孝以事親嚴以教子深聞居處數十年人罕見其面者同治三年

題請旌表

范氏

鄧村處士趙大年妾二十九歲守節養親盡孝事嫡如姑以禮持身撫子成立同治三年題請旌表

王氏

大陳村按察司照磨張文煥妻年二十五歲夫故子女無所出事舅姑克盡婦道撫姪爲嗣愛之不

啻所生後子亡與媳共勵苦節家雖素封飲食服御一如寒素日以紡績爲事嚴厲自持閭內稱嚴肅焉

同治三年

題請旌表

陳氏

燕村處士喬錫錄妻二十一歲夫故矢志守節孝事祖姑教二子寬嚴並濟同治三年題請旌表

單氏

西王村處士劉春茂妻年二十五歲夫故堅志守節事親教子歷四十餘年同治三年題請旌表

趙氏

西王村監生單宣亭妻年二十四歲夫故性貞淑嫻婦職事姑盡孝教子成名同治三年題請旌表

席氏

張賈里處士李文君妻年十八親迎有日矣文君遭疾勢已不起父母欲緩之氏正色曰從一而終

義也萬有不虞亦吾命耳于歸之夕文君僅存微息

一見而逝氏屢欲身殉經翁姑慰勉之意始解家甚

貧以針黹度日孝事翁姑生養死葬無缺禮後撫堂

姪爲嗣苦節六十餘年八十一歲而卒同治三年題

請旌

表

張氏

齊薛里文童盧士久妻佐夫讀書俾無內顧憂翁姑疾氏親侍湯藥衣不解帶者數月夫歿氏年二

十九冰霜自勵屏絕鉛華鄰里罕見其面者撫嗣子如已出督以就學克紹書香同治三年題請旌表

吉氏

柴鄧里處士史生鈺妻年二十七歲孀居事翁姑以孝稱撫子姪息勤備至歿年六十一歲同治三

年題請旌表

張氏

趙曲里生員郭建勳繼妻年二十九歲夫故事孀姑惟謹教子以義方嚴以持已終身不苟言笑子

亡撫幼孫與媳共勵苦節郭門嗣續賴以不絕歿年七十一歲同治三年題請旌表

史氏

齊薛里儒士盧保德妻嫻婦道事孀姑以孝稱保德以失音症亡氏年二十七終身寡言笑志節堅

貞鄉里欽之歿年六十五歲同治三年題請旌表

郭氏

通城里處士焦紳妻年二十九歲夫故事翁姑克盡孝道撫孤守節勤儉自持歿年七十四歲同治

三年題

請旌表

吳氏

關戍里監生趙永福妻頗通翰墨十二歲覽烈女傳卽以節義自期夫歿氏年二十八矢志守節家

徒四壁晏如也歿年七十

四歲同治三年題請旌表

張氏

東劉里監生武智豐妻少嫻姆訓事翁姑以孝待妯娌以和夫歿氏年二十七堅貞自矢終始不渝

教子義方俾克成立

同治三年題請旌表

關氏

東劉里監生武義豐妻年二十八歲夫亡氏撫棺痛哭絕而復甦者再翁姑再三勸止之乃杜門不

出操井臼事舅姑一遵婦道歷久不

渝鄉里賢之同治三年題請旌表

賈氏

關戍里處士張化麟繼妻年二十七歲孀居孝事翁姑先意承志前房有遺子愛之逾所生嚴毅自持凜若冰霜同治

三年題請旌表

李氏

通城里處士喬辛繼妻年二十五歲夫故上奉孀姑下撫幼子喬門一脈賴以保全家極貧茹苦含

辛志不少替同治

三年題請旌表

郝氏

通城里處士劉敬亭妻年三十歲夫故姑老子幼室無隔宿糧氏仰事俯鞠皆取給於十指間松筠

栢操歲寒益勵同

治三年題請旌表

陳氏

大鄧村鄧允中妻年二十七歲夫故家貧以苦節自勵孝事翁姑始終罔懈壽七十有五譚邑侯表

其廬曰節

勁松筠

王氏

張纂村蘇受忠妻年二十六歲夫故養親育子歷四十餘年譚邑侯匾其門曰篤孝完貞

成氏

大陳村處士張守中妻二十八歲守節清苦自勵老而彌堅壽九十而終

賈氏

京安鎮辛善恒妻年二十七歲守節奉翁姑克盡婦道教三子皆成立守節四十餘年譚邑侯匾其

門曰松

貞栢操

鄧氏

通城里處士孫溫妻二十五歲夫故甘貧撫孤守節五十餘年

張氏

京安鎮梁鑑妻年二十九歲孀居孝事舅姑教三子皆成立譚邑侯匾其門曰節勵冰霜

賈氏

北關村闕世鐸妻二十六歲守節養親育子備極辛勤譚邑侯匾其門曰苦節彌貞

張氏

小陳村處士柴邦凝妻年二十六歲夫亡家貧事姑竭力孝養教子煥交名列庠序譚邑侯匾其門

日節孝

兼全

關氏

京安鎮劉安邦妻二十七歲孀居守志撫孤教養兼盡子入庠今孫亦遊泮矣譚邑侯表其門日節

行兼

完

趙氏

西徐村處士徐貴妻年二十九歲夫故撫嗣子步瀛如已出治家勤儉不廢女紅守節三十餘年

賈氏

賈罕村武仁豐妻年二十歲夫故勤紡績以事繼姑撫姪玉成讀書成立壽八十三守節六十三年

堅貞之操里

人咸欽仰焉

張氏

通城里監生吳宗仁妻年二十八歲夫故子女均幼氏安貧守節紡績撫孤酷暑嚴寒未嘗稍懈子

若孫前後遊庠序道光

二十九年題請旌表

李氏

大陳村處士王全通妻十九歲夫故孝事翁姑以終天年守節三十餘年

徐氏

大陳村監生張宇和繼妻二十九歲夫故事孀姑最得歡心子文會幼羸弱氏多方調護克底成立

姑年九十餘尙康健親見文會

生子四世一堂鄉里稱慶焉

劉氏

東柴村段爾瑤妻夫病篤慮氏青年難守嗟歎者屢矣氏悟其意泣曰妾雖女流幼蒙父訓略知大

義從一而終婦道也萬一不諱願以死守夫歿氏年

十九遺一女孝事翁姑撫育弱女茹藥飲冰終始罔

替壽七十

六而終

蘇氏

西王村單會增妻二十八歲夫故孝翁姑無缺禮撫二子克成立壽七十一而終譚邑侯旌其門日

篤節

永年

王氏

西王村劉夢槐妻年二十五夫亡家貧姑老子幼仰事俯育皆取給於十指子明德幼穎異弱歲遊

庠後家漸裕人以爲苦節

之報云守節三十餘年

梁氏

京安鎮闕中正妻年十九夫故家貧無子冰霜勵操歷三十餘年譚邑侯以卓操孤芳旌之

關氏

京安鎮劉密妻年二十三歲夫故事姑盡孝撫子成立其孫庚三英年入泮人咸謂節孝所致譚邑

侯以潔操

幽光旌之

武氏

京安鎮解登第妻夫歿氏年二十欲以身殉姑指遺腹日生男吾解氏宗祧所係也倘生女死未晚

蓋少緩平氏意解踰月生子鐘鳴撫

之成立苦節五十三年壽七十有三

張氏

安李村李成富妻二十三歲夫亡家貧無以自給矢志撫孤艱苦萬狀守節四十五年譚邑侯旌其

門曰節

矢艱貞

祁氏

安李村劉世愈妻年十九夫亡無子矢志守節敬養翁姑恪遵婦道壽七十而終督學使者以栢節

松齡旌

其門

李氏

安李村梁登聯妻事翁姑以孝稱夫亡氏年二十四守節撫孤悉秉義方守節三十餘年

徐氏

大陳村處士伊璞妻年二十一歸伊夫善病多方調護之迄卒氏年二十八撫子女無他志越二年

子又殤一日哭諸墓還見一兒棄於道喜曰此天哀伊氏而不墜其宗也因抱歸名之曰天與鞠育備至克底成立人稱

爲女中丈夫

苗氏

東關村吳宗德妻宗德卒氏年二十三子四歲家復貧躬勤紡織撫之成立壽八十有四苦節六十

年

孫氏

東關村王國頊妻年二十六夫歿子生未及百日立志撫孤四十年不少變

劉氏

小王村賈耀元妻年十八夫故苦節自甘歷久不懈壽六十一守節四十三年

翟氏

李庄村生員梁聯捷妻二十四歲孀居志勵冰霜終始不易歿年四十九守節二十五年

李氏

西張村姚秉良妻年二十九夫故養親教子苦節以終壽八十守節五十一年譚邑侯以貞節流芳

旌之

李氏

安李村李捷魁妻夫亡氏年二十四孝敬翁姑喪葬盡禮守節三十餘年譚邑侯以金石同貞旌其

門

李氏

上西梁村張乃讓妻二十三歲夫故甘心守節歷三十四年譚邑侯以幽芳百世旌之

薛氏

上西梁村張培桐妻二十七歲夫故節義自矢歷三十餘年譚邑侯以孝節兼全旌之

楊氏

東郭村增生樊聯元妻年二十九夫故家貧無子事翁姑孝養無缺守節三十餘年譚邑侯以義守

栢舟
旌之

暢氏

上西梁村張全仁妻年二十三夫故堅貞自矢備歷艱辛邑侯譚表其門曰操勵松栢

宋氏

西徐村徐志文妻夫故孝事翁姑和睦隣里治家勤儉撫子成名歷三十餘年不易其操

柴氏

北靳村楊桂枝妻年二十二歲夫亡撫遺腹子鞠育教誨俾克成人冰霜之操老而益勵邑侯譚表

其門曰荼

藁貽芬

關氏

京安鎮柴敏楠妻二十八歲守節上奉翁姑下撫三子能以忠厚傳家邑侯譚旌其門曰操貞誼厚

丁氏

南蘭村處士趙萬春妻年二十三夫歿遺一子二女家貧甚日以紡織餬口有勸之更適者輒仰天

號泣嚙指自誓後子女皆成立

邑侯譚旌其門曰貞符斷臂

張氏

趙曲鎮處士賈紹誼妻年二十四夫故事姑撫子孝慈交盡守節二十一年

關氏

京安鎮增生郭如炳妻年二十五夫亡無子撫姪爲嗣守節三十餘年譚邑侯以節全金石旌之

衛氏

司馬村處士徐謨妻年十九歸徐二十二歲夫故貞節自矢終始不渝撫子登鰲成立稱爲端人鄉

人仰母儀焉守節六十二年

譚邑侯以貞範猶存旌之

吳氏

京安鎮從九品劉瀾妻瀾以一身奉雙桃故兩娶焉劉瀾故吳年二十七呂年二十五呂生子志遜

始數歲吳與呂堅貞共勵協志撫孤後志遜
成立身列膠庠譚邑侯旌其門曰冰玉雙清

趙氏

張纂村戚萬福妻年二十八夫故紡織教子苦節
彌堅

李氏

安李村張樹閻妻年二十八孀居姑老家貧子尙
襁褓氏紡績自給克盡孝慈

劉氏

劉庄村劉萬年之女年十六受鄧村陳步中之聘
步中緣事遣戍父母以婿無歸期意欲改字氏誓

不更適久之步中逢

赦還始成夫婦之禮

徐氏

南靳村處士楊如松妻年二十夫故孝事翁姑姑
性嚴稍拂意輒呵斥隨之氏先意承志竟得歡心

撫子女皆成立守
節三十八年而終

李氏

南靳村楊其福妻年二十歲孀居曲體親心立志
守節待妯娌以和撫子姪以義歷三十餘年無玷

婦德

段氏

王雲村張啟溫妻年十九歲夫故孝孀姑撫幼子矢守初心終身不變現年六十餘歲

梁氏

賈莊村楊本立妻年十六于歸甫半載夫卽逝氏節哀承順曲體親心撫姪爲嗣以承宗祧矢志堅

貞終始不易現

年七十餘歲

翟氏

大鄧村附貢入品銜陳省身繼妻夫亡事翁姑克盡孝道撫前室子如己出子常以廩貢受職司訓

學憲朱以筠心

相操獎其節

李氏

大鄧村郇鶴齡妻年二十歲孀居堅貞矢志孝養舅姑學憲岳旌以匾曰玉潔冰堅

祁氏

大鄧村趙之汴妻夫沒氏年二十九歲立志守節事翁姑無虧婦道撫嗣子不啻所生勤苦持家閭

內嚴肅現年
五十餘歲

章氏

大鄧村侯來鎖妻年二十二歲夫亡家貧甚上奉翁姑下撫子姪獨手拮据艱苦萬狀後值歲歉生

計益窘竭力經營終以瘁死鄉里嘆惜之

段氏

安李村張富妻識詩書曉大義年二十九歲孀居家貧勤紡績以撫二子教養兼施以母代父次子

錦文入庠食餼後二子相繼亡錦文遺一子維翰氏與長媳李氏次媳鄭氏協力撫育名列膠庠姑媳砥

志完節以終譚邑侯以雙節嗣徽旌之

張氏

東柴村劉薰妻年二十四歲夫故遺子女俱幼父慮氏年少無志節勸之嫁以試其志氏泣曰兒誓

不爲兩姓婦且是呱呱者將焉置之父喜曰能如此光吾門矣設筵會姻婭以寔其言後撫子女皆成立

苦節三十餘年

劉氏

本城東關廂徐輝妻年二十九歲夫歿翁姑在堂兒女尙幼仰事俯畜克盡孝慈姑有夙疾氏維持調護數年不少懈姑有女已適人家貧常依母家氏厚遇之終身無怨色鄉里稱賢淑焉學使者以節凜

冰霜旌其門

范氏

本城南關廂胡體中妻年二十二歲夫故誓不再適家雖貧事親必以甘旨撫孤成立歿年六十三

歲

劉氏

周家庄周兆邠妻年二十八歲夫歿甘淡泊屏鉛華事翁姑撫幼女備極孝養貞操苦節鄉里欽之

李氏

周家庄周繼清妻年二十八歲孀居苦節終身宗族嘆服

張氏

賈庄村廩生劉德明妻年二十六歲夫故事翁姑
脩極孝養撫子成立克紹書香現年七十餘歲

李氏

周家庄賈天泰妻年二十六歲孀居養親教子
矢志不渝歿年六十九歲

尹氏

盤道村伊大倫妻年二十四歲孀居矢志撫孤
貧不爲困守節三十餘年學憲朱以志堅金石旌其

門

賈氏

周家庄周雲儀妻年十九歲夫故子女皆無所出
甘心苦守歷四十餘年

達氏

鄆裡村蘓兆錦繼妻事翁姑克盡婦道撫前室子
女如已出夫歿於外氏年十九盡鬻嫁時衣迎柩

歸里夫弟利其產暗約媒妁將強之使嫁氏聞之邀
宗長於其家呼弟至以大義責之卒完其節現年五

十九歲

張氏

增生沈文英妾夫故時子方九歲氏含藥茹茶曲體親心紡織課子備極辛勤後子列膠庠克紹書

香鄉里咸欽

其苦節焉

杜氏

北太柴村生員閻恒彛妻年三十歲孀居孝事翁姑恪守婦道訓子武揚暨孫自新同遊邑庠苦節

之貞鄉里推重焉

壽八十一而終

劉氏

鄧村張永寬妻進士劉峩之女也幼承父訓素嫻婦道事翁姑以孝聞夫亡矢志守節甘貧安命數

十年如一日壽

六十七歲而終

鄧氏

北陳村張祥瑞妻夫貿易歿於外氏年二十九典鬻釵珥扶柩歸葬子尙襁褓鞠育辛勤克底成立

譚邑侯表其門

日完貞延嗣

元氏

楊家庄李文寶妻年二十一歲夫故菽水奉親紡績教子守節四十餘年

張氏

張相村李振朝妻年十九歲夫故撫子成立守節五十三年壽七十二而終

吉氏

東郭村張全禮妻年二十一歲夫歿子方週歲矢志撫孤終始如一壽七十五守節五十四年

柴氏

北靳村從九品楊廷選妻年二十六歲守節艱苦自甘歷三十餘年

李氏

通城里北水社武生喬正吉妻年二十六歲夫故孀姑在堂孝養惟謹撫子皆成立壽六十五而卒

薛氏

東郭村任印妻年二十六歲夫故事翁姑以孝聞義方教子克繼書香卒年六十歲

張氏

劉庄村王蒼喜妻年二十五歲孀居養親育子守節三十餘年

衛氏

河坡村吳良臣妻年二十六歲夫歿事姑以孝教子有方門庭和睦四世同居守節三十餘年

李氏

中梁村賈知本繼妻年二十歲夫歿矢志撫孤堅貞自勵守節四十餘年

王氏

吉柴村韓之監妻夫以貿易歿於外訃至氏年二十歲泣日夫客死他鄉不能歸是吾咎也事親撫孤艱苦萬狀子長給多年紡績之資遣逆父柩歸里營葬鄉里咸嘉嘆焉邑侯孫題請旌表顏其坊曰孝

義兼全壽

七十而終

張氏

藺村生員王錦合妻年二十五歲守節事翁姑無虧婦道族中子弟有貧不能就傅者氏典簪珥以

助之孝義兼著鄉里

欽之卒年七十有二

張氏

靈伯村李德科妻年二十五歲孀居家貧甚勤紡績以事翁姑有諷之改適者氏自備殮具以明不

二

郭氏

南柴村許進隆妻年三十歲孀居家奇貧事孀姑無缺甘旨晝夜紡績艱苦備嘗一日有媪至其家

狀頗異謂氏曰汝孝感天地可授汝一術勿慮養親無資也因授以接骨神術活人無數有酬以金者悉

却之有憐貧而給以米粟者受之

孝義之聲溢於閭里壽六十而終

李氏

東坡村張九臯妻年二十七歲夫歿親老子幼宗族無所依氏仰事俯育備極艱辛守節五十餘年

張氏

東坡村賈甯妻年二十一歲夫歿子女皆無所出茹苦安貧無玷婦德歿年八十四歲

劉氏

東坡村吳泰妻年二十五歲夫故事翁姑曲盡婦道紡績度日貧苦自甘撫姪爲子以繼夫嗣歿年

七十
三歲

梁氏

東坡村張思武妻年二十三歲夫故孝姑撫姪終始不渝其志守節五十年

亢氏

南柴村許楚玉妻年二十九歲夫歿子尙襁褓翁姑慮氏青年無固志嘗喻之曰立孤綦難然能之

者名卽不朽氏默識其意誓死無孤教養兼盡後子大英事母亦以孝稱壽七十歲

秦氏

南柴村許兆熙妻年二十七歲孀居家貧矢志守節翁姑賴以終養子女俾各成立苦節四十餘年

王氏

南柴村許培世妻年三十歲夫故事孀姑惟謹甘貧守節歷久不渝壽六十而終

馮氏

屯裡村監生張翰魁妻二十九歲夫亡孝敬翁姑教養二子勤理家政閨範肅然壽六十而終

趙氏

屯裡村張天聰妻年二十歲于歸夫卽出外不知所之日久無耗翁姑望子情切時形夢寐氏以婦

代子曲意承歡始終無少懈壽八十三守節六十餘年

師氏

下西梁村生員張譚妻年二十二歲孀居奉養翁姑克盡婦道撫姪爲嗣教之成立守節五十餘年

孫氏

下西梁村師萬年妻年三十歲夫故家貧藉女紅以事翁姑撫二子皆成立又撫幼孫親見完娶福

庇兩世脩極辛

勤壽八十有三

柴氏

西賈村賈含章妻年二十八歲夫故孝事翁姑義方教子貞操苦節終始不渝歿年五十九歲

鄧氏

上西梁村張長年妻年二十五歲夫故家貧無子氏勤紡織養翁姑守節三十五年

丁氏

興義坊從九品李隆妻年二十七歲夫故孝事孀姑親操井臼撫孤成立訓迪有方現年五十餘歲

趙氏

義店村生員梁席珍妻年二十二歲夫故事翁姑無虧婦職撫姪為嗣教之成立守節三十餘年

栢氏

北梁村生員喬爾勉妻年二十六歲夫故孝養翁姑貧不為困守節四十餘年

張氏

東郭村高嶺榛妻年二十八歲夫故家貧事翁姑撫子女皆取給於十指間茹冰飲雪脩極艱辛

盧氏

東柴村吳元貴妻年二十八歲夫故家貧孝養翁姑內外無間言苦節四十餘年現年七十歲

尹氏

通城里廣智社張炳妻年三十歲夫故子亦隨亡氏孝翁姑撫幼孫艱苦備嘗矢志彌堅現年八十

九歲

郭氏

東柴村趙興宗妻年二十六歲夫故事翁姑無缺禮子若孫相繼逝氏撫育曾孫名列膠庠現年八

十餘歲

吳氏

東柴村晉冲霄妻年三十歲孀居性閒靜寡言笑家極貧事翁姑曲盡孝養堅貞自矢終始不渝現

年七十
三歲

張氏

范村薛榮光妻年二十二歲夫故孝以奉親慈以撫子立志守節貧苦自甘歿年六十歲

郭氏 胡村生員白景甫妻年二十八歲孀居家貧甚姑老子幼氏以一身任家計困苦萬狀志節彌堅現

年五十

八歲

杜氏 東柴村段之倫妻年二十九歲夫故孝事雙親撫三子皆成立苦節三十餘年

賈氏 東柴村段兆瑞妻年二十四歲孀居紡績奉姑教子成立鄉里欽之

郭氏 東柴村段占魁妻年二十八歲夫故遺子甫七齡氏躬勤紡績教之讀書卒克成立歿年七十歲

吳氏 北梁村喬居寬妻年二十四歲孀居矢志靡他堅貞自勵後值歲歉幾不能舉火甘心槁餓以終天

年歿年六十歲

王氏 燕村劉璽璞妻年二十歲孀居事翁姑以孝處妯娌以和家政稱嚴肅焉現年六十五歲

吳氏

李村郭元亮妻年二十歲夫故家極貧事親必以

歲

尙氏

陶寺村張建寅妻年二十一歲夫歿無子女事舅

之現年

六十歲

蘇氏

陶寺村張裕謙妻年二十二歲夫故孝翁姑撫弱

二歲

祁氏

陶寺村曹光祖妻年二十歲夫故冰霜矢志久而

彌堅歿年六十六歲

祁氏

陶寺村段敏妻年二十四歲夫故子女皆無所出

事翁姑生養死葬咸稱無憾苦節六十四年壽八

八十

喬氏

燕村郭茂齡繼妻年二十一歲夫故事孀姑善承色笑撫前室子如已出現年六十六歲守節四十

年五

張氏

燕村劉道一妻年十九歲夫故孝敬翁姑撫子成立歿年七十四歲守節五十五年

宋氏

賈罕村武魁妻年二十歲孀居孝事翁姑喪葬如禮苦節三十五年現年五十五歲

王氏

賈罕村武積玉妻年二十歲夫歿孝以事姑慈以撫子苦節三十餘年鄉里賢之

張氏

賈罕村李五經妻年二十二歲夫歿無子事孀姑能得歡心撫夫弟恩勤備至現年六十歲

陳氏

賈罕村崔乃莪妻年二十八歲孀居孝事翁姑人無間言撫子希賢俾克成立歿年八十有三

喬氏

賈罕村武克儉妻年二十三歲孀居杜門守節數十年如一日鄉里稱貞靜焉現年六十五歲

席氏

賈罕村處士李有度妻年二十歲守節事親以孝撫孤以慈紡績度日矢志不渝嘉慶六年題請旌

表

劉氏

賈罕村武調元妻年二十七歲夫歿奉事孀姑備極孝養撫嗣子如已出現年五十八歲

段氏

中梁村王士仁妻年二十七歲夫亡子女無所出無姪爲嗣以承宗祀

梁氏

中梁村庠生張文博妻年二十四歲夫歿遺子尙襁褓矢志不再適後子夭亡又擇堂孫以承宗祀

苦節五十七年

壽八十有一

鄧氏

陳庄村處士姚進祿妻年二十九歲夫亡家赤貧氏紡績事親義方教子後子遊庠序克繼書香人

以爲貞節之報
云時年六十歲

陳氏

張相村李培梅妻系出名門素嫻姆訓夫歿氏年二十一歲事孀姑得歡心姑歿遵遺囑以姪爲嗣

教養備至冰霜之操鄉里

所欽譚邑侯詳請旌表

賈氏

安李村李善行妻年二十一歲夫歿子方週歲氏養親育子脩歷艱辛譚邑侯以冰心霜節表其廬

段氏

安李村張樹闈妻年二十一歲夫亡無子氏奉翁姑命撫姪爲嗣教之成立現年六十歲

王氏

安李村王宣妻年二十七歲夫歿家無升斗貧苦不堪氏針指度日親操井臼以奉雙親堅貞之志

終始不渝時
年六十歲

楊氏

安李村毛生萃妻年二十八歲夫故家極貧氏勤紡績以養舅姑無缺甘旨撫子成立時年六十歲

段氏

安李村李光先妻年三十歲夫故事翁姑克盡婦道撫二子皆成立時年六十歲

張氏

安李村張允良妻年十九歲夫故子尙襁褓翁姑極憐愛之氏體翁姑意愛濟以嚴多方訓誨克紹

書香時年

七十歲

祁氏

西張村劉慎修妾年十八歲歸劉性貞慧善承翁姑志嫡室喬厚視之夫亡氏年二十九痛幾絕誓

以身殉喬疑之欲試其志一日喬與氏謀夫殯葬事命匠者掘穴容二棺氏訝之喬曰現在家道零落汝若有子尙可苦守既無出可他適吾弗強也氏泣曰貧乏妾非不知但恨命薄無所出洵爲劉氏罪人本擬身殉以贖前愆然所以不卽死者念夫人斃獨無依耳敢厭貧再干天譴喬由是待之益厚氏奉之益謹後喬疾日夜需人氏侍湯藥不離左右者數月迨喬歿家愈貧又值歲祲饗殮不給有憐之者曰汝初

不聽夫人言以至此今至此能弗悔乎氏慨然曰吾何悔吾悔不早從我夫於地下耳因絕食死鄉里惜之時年六十歲

梁氏 安李村李居德妻二十七歲孀居事孀母如姑撫前室子如已出後二子相繼逝孤苦伶仃不渝其節

祁氏 安李村張集禎妻二十五歲夫故事翁姑克盡婦道課子凌雲讀書遊庠現年八十餘歲

郭氏 燕村梁兆盛妻夫亡子幼姑有夙疾氏奉養維謹鄰人某豔氏色一夕踰垣入室欲亂之氏力拒疾呼某懼絕裾遁氏恐不欲生瀕死者再族黨勸慰之日姑久病子尚幼爾死此老而孩者將焉置之恐少息後姑歿竭力營葬子成立貞心毅氣鄉里嘆服

趙氏

東侯村李奪魁妻幼生名門長嫻姆教年十八歸李未三歲夫卽故遺子方逾月上事孀姑下撫孤

子歷數十年

不渝其志

孫氏

東侯村李榮光妻年二十九歲夫故二子俱幼氏誓志撫孤以母兼父及二子成立家業日豐氏年

近七旬猶日夜紡織不輟壽七十六而終

崔氏

小陳村柴治家妻二十五歲夫故矢志撫孤誓不再適後子復先氏卒撫幼孫克底成立苦節之貞

鄉里稱之

劉氏

崇仁社從九范際會妻二十六歲夫故翁姑年邁子尙襁褓養親撫子脩極艱辛守節四十年

劉氏

鄧村張文傑妻二十六歲夫故家貧躬勤紡織孝養翁姑現年七十四歲守節四十八年

劉氏

西徐村徐及賢妻二十八歲夫故撫養三子俱各成立現年六十五歲

張氏

西徐村李迎萱妻三十歲夫故撫前室子如已出苦節三十餘年

李氏

盤道村李作梅妻二十九歲夫故家貧紡織度日撫子成立現年六十五歲

王氏

盤道村李調鼎妻二十歲孀居歷五十餘年節操彌堅督學使者以節凜松筠旌之享年七十八歲

李氏

盤道村賈逢昌妻二十八歲孀居家貧無子甘心守節終始不渝享年六十三歲

李氏

黃崖村郭學精妻年二十一歲夫故氏甘心守節撫子成立子復亡氏與媳共矢堅貞紡績度日孀

居四十餘年
鄉里賢之

李氏

南辛店村廩生宋希庠妻年三十歲夫故氏誓以身殉乘間自縊死

徐氏

北關村闕德言妻年二十三歲孀居子金聲方五歲氏多方撫育教之成立賢淑之聲溢於鄉里現

年五十

三歲

梁氏

西梁村崔玉鳴妻年三十歲夫故守節四十九年

賈氏

齊村裴清妻年二十歲夫故遺子尙在襁褓家極貧艱苦備嘗冰玉自凜守節五十三年

楊氏

段村生員賀紹閔妻年二十六歲夫故子甫六歲氏紡績度日教子多有義方守節二十四年

雷氏

東關廂張全仁妻年二十五歲夫故孝事翁姑守節課子歿年八十七歲

霍氏

北關村貢生闕承統妻承統歿氏年二十七歲妾胡氏年二十三歲胡有子尙襁褓氏與胡共矢撫

孤時以貞節相勉勵足跡不出閨門者數十年氏年五十七而終胡氏現年五十八歲

李氏

雙鳧村郭士會妻年二十四歲夫故孝事翁姑姑痛子成疾醫藥罔效氏曲意承順始終罔懈教子

尤以義方守

節五十餘年

賈氏

盤道村李霞焯妻年二十六歲夫故無子矢志守節歿年六十三歲

張氏

北許村程暉繼妻年二十五歲夫故事翁姑以孝聞撫二子皆成立歿年八十五歲

趙氏

南許村生員張維清妻年二十七歲孀居事親課子克盡孝慈歿年六十七歲

梁氏

南辛店村李成業妻年三十歲孀居矢志守節終始如一壽八十有二

楊氏

南柴村史廣盛妻年十九歲孀居數十餘年鄉人罕有見其面者壽七十有二

趙氏

大鄧村陳泰洽妻年二十歲夫故矢志守節歷久彌堅

溫氏

劉庄村郭思勤妻年二十六歲守節養親課子備極辛勤現年七十四歲

段氏

安李村李瑞林妻年二十六歲夫亡矢志守節終始不渝

秦氏

安李村李一敬妻年二十四歲夫故事姑撫子宗族稱孝慈焉

趙氏

西徐村徐志信妻年二十八歲守節冰霜自矢歷久不渝

許氏

屯裡村呂旺妻年二十九歲夫故時孀姑在堂性嚴厲氏曲意承順能得歡心守節四十七年

邱氏

黃崖村郭學醇妻年十九歲夫故無所出恩撫猶子愛之不啻所生守節三十年

張氏

小陳村柴養翼妻年二十九歲夫故撫姪鳳岐爲嗣甘心守節五十餘年

馬氏

鄧曲村郭毓永妻光緒三年歲大祲毓永遊於外家貧不能舉火氏百計養姑艱苦萬狀後姑卒氏

遂投井死

白氏

與義社劉維經妻年二十七夫亡事翁姑能得歡心撫嗣子一如己出守節二十六年卒

劉氏

與義坊監生翟倫之妻年二十八歲孀居養親教子矢志不渝賀宗師以金昭王粹旌之

郭氏

與義社邢帝寵妻年二十九歲夫亡紡績度日含辛撫子孀居四十餘年卒

王女子

東王村王朝頴之女王年十七歲有惡少語言戲譁女忿投井身死邑侯陳題請旌表顏其坊曰

貞節

自守

張氏

北張村梁金全妻

崔氏

北張村劉永立妻

李氏

北張村黨維翰妻

柴氏

北張村喬文興妻

崔氏

西郭村
裴訓妻

薛氏

解塚村高
星龍妻

霍氏

荆村賈
選妻

劉氏

荆村史
青筆妻

陳氏

西徐村監生
徐茂森妻

趙氏

西徐村徐
清祥妻

楊氏

西徐村徐
宗道妻

王氏

西徐村
徐峒妻

趙氏

西徐村李
賁萱妻

李氏

西徐村李
德隣母

傅氏

許留村張
延齡妻

段氏

劉庄村劉
永亨妻

程氏

劉永
亨妾

梁氏

宋村梁
學功妻

賈氏

宋村梁
景文妻

梁氏

宋村董
文煥妻

鄧氏

南村王
文炳妻

裴氏

南村王
殿甲妻

秦氏

南村馬廷
公繼妻

張氏

陶寺村張
裕訓妻

閻氏

許留村秦
學聖妻

張氏

北許村孔
昭清妻

陳氏

南辛店村
郭克家妻

曹氏

崔志
芳妻

景氏

下西梁村
梁清誥妻

張氏

下西梁梁
錫鳳妻

崔氏

下西梁梁
丕智妻

霍氏

下西梁梁
發元妻

蘓氏

下西梁梁
清俊妻

張氏

下西梁梁
午元妻

賈氏

下西梁梁
金元妻

張氏

下西梁楊
金梁妻

霍氏

下西梁喬
立志妻

吉氏

東關廂
徐鵬妻

溫氏

興義社
盧洸妻

梁氏

南關廂亢
希齡妻

王氏

小鄧村郭
如璜妻

張氏

杜友
進妻

吉氏

張紹
武妻

范氏

張錦
文妻

吳氏

張廣
信妻

尹氏

加秉
禮妻

賈氏

加秉
智妻

常氏

廣智坊花翎遊擊銜
儘先都司吳國榮妻

張氏

東柴村晉
六植妻

趙氏

賈立
修母

李氏

賈立修
庶母

劉氏

南關廂楊
如松妻

郭氏

北水社喬
丕承妻

張氏

吉柴村張
登雲妻

鄧氏

鄧庄村劉
如蘭妻

曹氏

廣智社李
如意妻

王氏

北水社柴
慎修妻

呂氏

赤鄧村鄭
三順妻

趙氏

赤鄧村鄭
時雲妻

喬氏

鄧淑
亨妻

孫氏

李含英
祖母

薛氏

暢天
健妻

梁氏

賈庄村劉
長泰妻

宋氏

杜村杜善
堂妻

張氏

杜村杜
清淮妻

賈氏

席村邵庠生
張敬緒妻

喬氏

鄧庄人

鄧氏

劉家
村人

馬氏

東王村朱秉信妻

張氏

東王村梁文英妻

田氏

東王村王甲禮妻

李氏

東王村段子輝妻

崔氏

東王村張純妻

關氏

東王村張儉妻

張氏

東王村宋禹年妻

關氏

東王村賈盛元妻

李氏

東王村王大功妻

關氏

東王村喬福壽妻

馬氏

東王村梁兆昌妻

陳氏

東王村宋廷芬妻

崔氏

東王村宋廷芳妻
生員

武氏

東王村景和妻
段

關氏

東王村朝輔妻
王

段氏

東王村五梅妻
宋

崔氏

東王村賈
五雲妻

李氏

東王村
賈景妻

崔氏

東王村
賈端妻

賈氏

東王村王
立功妻

毛氏

東王村王
體龍妻

張氏

東王村宋
五梅妾

段氏

崔誥
之妻

以上俱守志節

殉難婦女

黃氏

西徐村李棲鶴之繼母同治六年十一月髮匪竄入縣境氏聞之率弟婦劉氏次子婦劉氏妾郭氏

三子婦王氏四子婦張氏幼子十娃弱女歐子趨後園指井曰倘賊至此卽我輩葬身所也環坐相向泣

須臾賊至氏等聞之惟恐

投之不速也爭入井死

賈氏

小韓村李生富之母賊至向氏索取財物氏曰吾家貧焉有財物縱有之亦不能與爾賊子也賊怒

殺之子婦趙氏見姑被

戕且哭且罵亦遇害

任氏

杜村魯思溫之母賊擄一鄰女入氏室將污之氏乘間以刀擊其背賊負痛罵曰何與爾事拔劍刺

殺之賊

亦尋斃

張氏

東柴村吳龍娃之妻賊至被擄且哭且罵賊怒鞭背死

趙氏

京安鎮張記娃之母賊至使氏執爨氏不從罵賊遇害

朱氏

上北梁村劉六娃母賊入室搜掠衣服氏罵之被殺

石氏

張朱母河波村人三婦相携遠避賊至羅執之同聲詈罵俱遇害

王氏

下西梁村楊牛娃母賊至使氏縫紉罵賊遇害

趙氏

斛塚村段德慧妻偕張全發之生女侄女同時投井死

段氏

劉庄村楊致鵬之妻聞賊至抱幼女投井死

趙氏

東徐村趙行正之女賊至被擄罵不屈死

霍氏

趙曲鎮梁檜齡母賊至使執爨罵賊遇害

王氏

東柴村段衍亨之母
聞賊至用刀自刺死

劉氏

溫泉村郭小猴妻被
擄用剃刀自刎死

張氏

南賈村賈元兒母
聞賊至俱自縊死

張氏

張牛姓之母
罵賊不屈死

張氏

小韓村李忠母
聞賊至墜樓死

劉氏

賈庄村劉順昇
母遇賊投崖死

劉氏

孫家院孫卜世
妻投水缸死

李氏

杜村賈履中
妻投陂池死

張氏

王盛母

王氏

李會兒母

王氏

京安鎮張盛嫂

李氏

京安鎮張德娃嫂

席氏

東徐村趙未子妻

陳氏

南賈村賈盛娃母

武氏

徐彭福妻

徐親兒

徐茂本女

徐連兒 徐交女

李藍兒

李林兒

俱西徐村人聞
警相携投井死

崔氏

西王村單三回妻

許氏

西王村王辛未妻

徐氏

東柴村段五常妻

段氏

東柴村吳龍光妻

丁氏

東柴村晉集祥妻

范氏

中陳村席太娃母

吳氏

杜村陳天玉妻

陳氏

劉村杜二娃妻

楊女娃

南靳村楊發奎女

李氏

鄧庄村鄧興娃妻

韓氏

鄧庄村王崇發妻

徐氏

趙店村張記娃母

翟氏

趙店村劉德元母

王氏 賈庄村張正國母

鄧氏 小王村席六娃母

李氏 小王村賈登雲母

劉氏 小王村賈小隨母

喬氏 小韓村李德盛妻

張氏 斛塚村段立業妻

王氏 北陳村王全福妻

張氏 北陳村王小娃妻

王氏 北陳村王貴妻

桂女 北陳村張天管女

女娃 北陳村張春發女

段氏 東徐村趙夢卜妻

女娃 東徐村任娃女

楊氏 下西梁村楊神管母

閻氏 燕村蘧贊祖妻

王氏 西候村王萬元母

王氏 段小勺妻

徐氏 段屈娃母

張氏 關彙烈妻

王氏 張如玉妻

石氏 劉永旭妻

劉氏 劉文學妻

朱氏 賈根兒妻

趙氏 劉月功妻

王氏 劉發奎妻

范氏 賈存義妻

段氏 劉月明妻

陳氏 劉萬同妻

蘇氏 劉日隆妻

張氏 劉百年妻

加氏 劉玉保妻

關氏 劉應瑞妻

王氏 賈陳誠妻

張氏 楊盛妻

李氏 賈德妻

武氏 賈壽妻

王氏 武永福妻

劉氏 李潤喜妻

關氏 張福嫂

李氏 張盛嫂

王氏 關德娃母

張氏 關盛娃母

劉氏 王文兒妻

張氏 王天福妻

趙氏 王桂妻

李氏 張牛娃妻

范氏 趙長安妻

張氏 李喜娃母

董氏

趙福妻

李氏

崔喜娃母

賈氏

崔盛娃母

張氏

崔成娃母

王氏

賈德娃母

師氏

張平兒母

李氏

張德弟媳

楊氏

梁天才母

李氏

王福嫂

孔氏

常洪娃母

韓氏

王崇德妻

李氏

梁記娃母

鄧氏

張才娃母

王氏

韓春德母

楊氏

張壽母

李氏

賈正娃母

段氏 席六娃母

劉氏 王通順母

李氏 劉德統母

孫氏 王道正妻

王氏 宋雲母

張氏 元文魁妻

賈氏 劉逢辰母

趙氏 元魁升妻

王氏 元魁升母

張氏 劉義逢妻

王氏 裴小道母

裴氏 劉宋廷妻

張氏 裴耀祖妻

馬氏 章收娃妻

王氏 章春妻

李氏 王德娃母

梁氏 章通娃妻

鄧氏 李崇德母

周氏 梁通娃妻

鄧氏 郭周娃妻

張氏 郭興義妻

賀氏 郭六娃妻

范氏 梁九敘妻

馮氏 周義德妻

郭氏 賈樹仁妻

劉氏 劉小猴妻

王氏 宋來母

張氏 邁丙娃母

劉氏 邁立柱母

王氏 邁成娃母

王氏 邁明娃母

李氏 劉仁娃嫂

張氏 劉明母

張氏 張仁娃母

張氏 賈德娃母

李氏 秦成娃母

李氏 張魁娃嫂

李氏 史天柱母

張氏 史明德母

單氏 張如玉母

楊氏 張如玉妻

蓮兒 徐臨成女

蟬女 柴敏文女

狀子 劉月功女
小狀

交女 徐繼湯女

金兒 賈福女

金花 賈鏞女

貴女 張天管女

親兒 李茂森女

拴子 趙夢卜女

小女 吳龍娃女

是女 蓮占鰲女

女兒 蓮贊祖女

蓮氏 蓮鳴珂女俱
被執不屈死

襄陵縣志卷之十九

古蹟

其人往矣蹟仍留焉觀其蹟想見其人典型尙在令人曠世相感廉頑起懦其在斯乎例宜書

郤犇城

在縣東南卽晉大夫郤犇食邑春秋時建今遺址尙存又曰古幹昌縣

許褚堡

在縣西南北許村三國時建今四門遺址尙存

劉淵城

在縣北晉永嘉末淵僭號初據蒲子後築此爲陶唐金城今東北角突出卽城遺址俗名曰渣

石樓

職田庄

唐鄂國公耕處今齊村有溝名職田

伯道古居

在縣東南鄧庄有遺址愛橋伯道所建

太平關

在縣南京安鎮後魏大平真君立

秦王駐蹕村

在縣東南安李村唐秦王世民嘗駐兵於此

宿水店

在縣西南卽縣舊治宋置

王元輔古宅

在明禮街北金立先改爲天真觀明改爲按察分司今廢

西花園

在興義坊元時縣人楊姓者闢地引水經流其中構亭植卉明洪武初改爲按察分司後改爲

察院

今廢

故關鐵冶

在京安鎮元設提舉司今廢

坊表附

孝義人倫所重也科甲川嶽所鍾也當年之建立有由異代之流芳不廢脩而誌之以示獎勸後之覽者其知奮乎

進士坊 在南關知縣張柔爲庶吉士崔矩立

亞卿坊 在崇仁坊都御史李侃爲侍郎邢讓立

儒宗坊 在京安鎮布政司邱陵爲祭酒邢讓立

思榮坊 一在崇仁坊一在京安鎮俱爲邢霖立

騰蛟坊

在崇仁坊知縣張爵爲舉人樊榮立

凌雲坊

在郭村知縣李高爲舉人王達重修

起鳳坊

在東水閘知縣張爵爲舉人盧景立

登瀛坊

在東閘張爵爲舉人劉志重修

接武坊

在明禮坊張爵爲舉人梁璞立

鯤化坊

在廣智坊知縣張文佐爲舉人范晟立

步蟾坊

在興義坊知縣張文佐爲舉人張琮立

池鳳坊

在崇仁坊爲丁未進士邢霖立

聖旨坊

一在興義坊爲節婦吳承祖妻立
一在南門外爲節婦高盛妻立

大司成坊

在崇仁坊爲祭酒邢讓立

少宗伯坊

在崇仁坊爲禮部侍郎邢讓立

堯崗鳳起坊

在興義坊爲舉人劉芳立

經元坊

在趙曲爲舉人杜鏞立

外翰坊

在興義坊尙書趙錦爲訓導王世安立

進士坊

在崇仁坊爲己丑科王應吉立

經元坊

在南關廂爲黃景澤立

獨步青霄坊 在興義坊爲舉人郭濂立

五馬大夫坊 在興義坊爲知州王瑄立

奕世登庸坊 在東關爲盧盛盧景立

世承天寵坊 在北水關爲喬玘喬祺喬榘立

賓賢坊 在通濟街爲知州柴良立

褒義坊 在明禮坊爲指揮使高瓚立

繼美坊 在郭村街爲王璵立

碩彥坊 在興義坊爲舉人李葆立

貞節坊 在興義坊爲李葆妻高氏立

奕世綸褒坊 在崇仁坊爲知府梁淇梁一龍立

進士坊 在明禮坊爲高邦佐立

尙義敦仁坊 在明禮坊爲鴻臚序班喬淮立

齊飛霄漢坊 在衙前爲沈光祚李瑾立

三世承恩坊 在趙曲鎮爲崔師雍等立

獨步蟾宮坊 在翔鳳街爲李致道立

義高月旦坊 在東水關爲大學生鄧希曾立

義民坊

在孫南院明正統七年邑侯彭文瑩奉

文爲

貞節坊

在趙曲鎮奉

旨爲李騰勝妻霍氏立

心清白璧坊

在鄧曲村學院勵宗萬爲武舉趙璧妻李氏立

高步南宮坊

知縣趙懋本爲進士盧秉純建

八磚視草坊

知府李熨爲翰林院庶吉士盧秉純建

黃甲蜚英坊

歷科進士題名

青雲聚彥坊

歷科鄉舉題名

仁賢師濟坊

歷科恩歲題名

貞烈坊

在京安鎮爲閩維南妻陳氏立

亭樓

登高遠望凭榭賦詩韻事也山陰艷蘭亭之筆黃岡美竹樓之文古人寄情於一時覽者興懷於千古

玉香亭

在縣南京安鎮

平政亭

在汾河西干

清音亭

在縣南二郎溝

觀德亭

在儒學西射圃

翠雲亭

在察院

清風亭

在察院蓮花池上

淨香亭

在按察司

奎星樓

鐘樓

在城隍廟前雍正十年知縣趙懋本建

望曉樓

在東閔郭門外卽鎮汾閣

訓義樓

在縣東張相村元蒙溪先生有記

會仙樓

在京安鎮

鎮安樓

在縣東閔村

清簡堂

在縣治公廨正廳

妻國照元

卷之九

二

陵墓附

唐虞許由墓 在縣東南三十里荆村箕山之北巢許祠後

春秋晉襄公墓 在縣南十里東柴村南原上縣之名以此

漢留侯墓 在龜山之麓先掘地得石誌云漢留侯張良墓

三國許褚墓 在縣西南一十八里許留村

夏侯敦墓 在縣東南三十里下梁村

晉鄧僕射墓 在縣東南二十五里鄧庄

許中丞翰墓 在許留村

北斛律光墓 在斛塚村世傳律光之祖塋也

元蒙溪墓

在縣東南四十里張相村北翰林學士王惲撰碑

張潞公墓

在京安鎮有古栢四十餘株

牛光祖墓

在縣南十二里東柴村南原上平章政事李孟撰碑翰林學士趙子昂書

梁元帥墓

在縣東五里鄧村進士張思溫撰碑

盧希古墓

在縣南三十里義店村

吳轉運墓

在縣西八里齊村

明高平懷閔王墓

在縣東三十里扈村

崔翰林墓 在縣西十里四住村

柴知州墓 在縣南東柴村西

邢侍郎墓 在京安鎮西大學土岳正撰碑

王御史墓 在柳溝坡上

喬知州墓 在東柴村南原上

高忠節公墓 在東柴村東岡

李司馬墓 在縣南司馬村

沈府尹墓 在趙曲鎮東

翟方伯墓

在荆村東原上

高太守墓

在東柴村東南原上

郭通判墓

在縣東南三十五里小鄧村西

崔封君墓

在縣東南興光村東

薛同知墓

在縣東南李庄村西

國朝

王兵備墓

在縣南四十里西王村北

崔同知墓

在縣東北張村西

許選君墓 在縣東上靳坡南

張祠部墓 在

襄陵縣志卷之二十

仙釋

函關鷲嶺之說好異者樂道而守正者力絕要之賢哲
固盛世之鳳麟而仙釋亦塵寰之雲鶴如崔真人金碧
峯若而人者古既傳其名不妨仍而志之

唐無名老人

本縣人俗姓陶其母賈氏夢青衣童捧金盤
獻一果如瓜半紅半黃言上仙賜汝無名果

也因孕十三月而生性沉靜寡欲舉動與群兒異嘗
隨丹陽馬祖師過閑服勤三年別馬凡七年忽覺一
日讀太上西昇經豁然有省謂同行曰我今還鄉去
也年前有韶州王氏請住菴我已許往已而王氏果

至卽索湯沐畢振衣留辭安然而逝年八十有六平生所著詩皆仙家事其語頭頭見道非烟火人所及也

曇

璉

王姓父成母皇甫氏因無子禱於佛寺有孕開元癸丑志樂出家禮鳳翔天寶妙覺禪師寶應

元年至襄陵崇山二兔引徑入山嶺起浮屠修道戒行清潔龍神聽講後證正果土人爲立寺廟遇旱禱雨立應廣德二年晉絳太守張光俊楊子宏表聞代宗賜寺額曰普救號慈濟大師

元酈希誠

本縣萬聖觀道士生而骨法高古丰神迥異見者莫不肅畏年十五決意入道其教以苦節危

行爲要不妄取於人於是見知憲宗內出冠服以贈仍給紫衣三十襲與從者世祖命其徒孫德福統轄諸路真人道錫銅章後改錫銀印至元年上昇御葬仙塋今有碑劉廣撰記

景素陽

京安朝陽觀道士師事梁古賓元末兵亂鄉人

古賓素陽曰師老矣願以身代兵即以刀

砍素陽刀忽斷爲三兵皆驚異羅拜而去

明金碧峯

本縣聖壽寺僧嘗遊五臺後成正覺洪武太祖

詔至闕廷言論稱旨御製詩以賜之後還仍賜

織金袈裟一襲佛經

一函年逾七十而化

崔真人

名孟傳北水閔人幼喪親並無婚娶黃冠野服

隻身雲遊有五嶽爲廬十洲爲胸之意從族兄

授醫學掃雲留月直得壺公妙術萬曆朝太后病篤

真人應名醫詔自簾孔引線侯脉投劑立愈上賜官

賜金皆不受遂賜以真人號

後於武當羽化自號朴菴

隱逸

陶唐席老師

席村人其名未聞卽古之席公也以播種耕稼爲事每擊壤而歌於路曰耕田而食鑿井

而飲日出而作日入而息帝力於我

何有哉堯聞而嘉之尊爲老師云

巢父

荆村人年老以樹爲巢居其上人稱爲巢父與許由友堯以天下讓由由告巢父巢父曰汝何不隱

汝形藏汝光非吾友也乃擊其膺而下之過清冷之水洗其耳拭其目許由悵然不自得曰嚮者聞言負吾友遂去終身不相見樊仲父牽牛飲之見巢父洗耳驅牛而還恥令其牛飲下流也今有水名巢溪祠在其

中

元柴潛道

通城人志高尙博極群書工於詞翰不樂仕進授教鄉里號秋巖莊靖處士嘗集古詩一帙名

秋巖小葉
行於世

邢泰亨

字保字祭酒齋修祠祀先緝書訓後好稱說古
孝友事大小法書如銀鈞鐵畫優游田居終其

身不求

聞達

喬運閔

生員賦性端凝理學邃精設教聚徒裨益後進
所著有雅音論繹意太極圖集說韻始適我集

學庸朱呂

叅諸書

吳如英

字渭川中梁村人生員嗜古淹通詩尤
工細皓首窮經有移山詩規行世

張迎息

南鄧村人庠生性恬退不樂仕進遇名山佳境
輒率子弟游息其間喜推解中年家落資岐黃

爲業壽至八十

四遺命薄葬

仇成瑜

字佩齋性耽山水喜吟咏入庠後棄舉子業恣意嘯咏遊覽自適著有綠天山房詩草河中蓬

飛小稿太華游草關中
雪泥集尺牘行世

流寓

明王

恕

三原人字貫道與邢昺酒同榜而相好每道過襄愛興樂寺之清幽望雲看山輒流連久之寺

多題咏今

猶有存者

朱之蕃

金陵人萬曆乙未狀元與高忠節沈京兆李司馬爲同年友嘗留榻於忠節映壁書院觴咏流

連窮山水之勝大書龍閣峪

石門縮秀四字筆力雄健

國朝

胡希聖

臨汾人字見我家於襄赤貧苦學丙戌成進士歷官袁州知府致仕家居二十年不出戶

劉五瓏

吉州人字霖蒼拔貢由山陽令歷任郎中出守安慶清潔自勵致仕日歸橐蕭然寄籍本縣里

巷間不知其
爲故太守也

郭永豐

字宣子號北郭臨汾人善詩文精草書爲人坦
易和平與邑之士夫友多題咏書法流傳人奉

爲拱
壁

萬樹

字紅友吳人邑之名勝殊多題咏

鄭定

字成之鄉寧人精岐黃術多奇驗

劉元琦

字荆山五瓏子知江西瑞州府事雍正辛亥葬
於浪泉村五里北郊四子長廷錫次廷鐸三廷

銓四
廷鑑

劉廷錫

知廣西思恩府事

劉廷鐸 雍正己酉拔貢任垣曲縣教諭

劉廷銓 候選州判

劉廷鑑 候選州同二子長浩次澗

劉浩 乾隆丁酉拔貢知直隸正定縣事

劉澗 乾隆己酉拔貢子乙臨

劉乙臨 道光丁酉拔貢候選州判後改教職

劉玉堦 道光丁未歲貢

襄陵縣志卷之二十一

方技

庖丁解牛技進於道丈人承蜩志凝於神至醫卜星相諸藝雖云小技然耑家之能往往與立德立言同稱不朽較沒世無名者異矣志方技

晉公師曠

本縣人與屯留崔懿之皆善相及見劉元海驚相謂曰此人形貌非常吾所未見也於是深相

崇敬推分結恩後元

海僭號果如所言

宋張德明

字顯道本縣道者性不喜華麗常施醫藥於人而尤急於貧者太原提刑种師道亦來求醫遂

診授藥卽獲痊愈種公悅遂以朝廷所降妙應太師勅旨易而與之用酬其勞

元朱好古

在城人善畫山水人物與同邑張茂卿暢雲瑞俱以畫名家人皆寶藏之

明翟師程

趙曲鎮人爲邑庠生性情孤峻心思工巧善書寫不效前人之筆而自爲一家更精畫龍虎山

水人物亦不由尋常蹊徑

國朝喬汝翼

字敬五號簡襄通城人以詩名重江淮間與顧修遠金孝章等同選唐詩有吳門唱和集

高之楨

字柱廷義士永子書法剛勁

李根暢

字涵初西梁人工山水頗有宋元人筆意

王展

字蓋臣陶寺人好神仙術遇異人授青鳥家言魏文清公大奇之受知於秋部王阮亭先生一

時名重都下 王侯爭爲前席 莊親王以山水引
年賜之名公巨卿贈詩文滿篋詳見相國陳午亭集
郭毓湖 字夏珍通城人武庠生有孝俠風工宋元山水

李祥龍

字瑞天東柴村人工宋元人山水而
水墨葡萄尤稱精妙

喬岱峯

庠生本城人善畫竹有與可風趣

徐 瓚

西徐村人工繪事有雞聲茅店月一幅爲
督學使者所賞鑒

吳攀桂

庠生本城人

李調元

庠生靈伯村人
俱以善畫稱

張 慶

字善齋監生賈庄村人專心醫理尤
精瘡瘍一門著有外科決勝二卷

鄧呈吉

通信社人有膂力技勇絕倫
心勇布諾著聞鄉里

武廣生

北賈村人精拳勇得少林宗派

曹增祿

南關廂人少師事武廣生盡得其藝與梁段村段興沛著名齊魯間

范紹易

字連山崇仁坊人精岐黃術活人甚衆邑侯周貽組旌其門曰術沛上池

喬行可

歲貢生北梁村人性超軼居鄉善排解精岐黃術每遇大症一診脈但許可醫病雖垂危無不

應手而愈著有

脈訣辨微一冊

耆壽

國朝

王士魁

興義人農家子性朴直有古民風年九十九歲健步善飯邑侯謝公旌扁曰熙朝人瑞

盧三樂

東關人力勤稼穡朴畧有古遺民風訓孫今庶常秉純以文章顯壽九十八歲太守李有祭

文

張長庚

字壽山衛守備銜趙曲鎮人事父母以孝稱性慷慨重義好施無世俗慳吝態築堡垣修孔道

輒獨力任其事遊津門總理長蘆綱事晚年益矍鑠乾隆乙巳赴千叟

恩宴蒙

賜杖幣如意

寵錫優渥海屬
盛世耆英

柴春雨

小陳村人性謹厚有學行嘉慶間壽八十有八
恭逢

覃恩賜粟帛賞給熙朝人瑞四字

喬煥庚

南梁村人邑庠生篤信好學老而益勵
行年七十有五猶日課一詩吟哦不輟

周鼎元

周家庄人邑庠生安貧好學動
循禮法四世同堂壽八十有二

徐希年

司馬村人監生性慷慨有負欠而不能償者輒
取券焚之毋吝色恤寡濟貧天性然也壽至九

十一歲孫曾繞膝鄉里稱為
人瑞因匾其門曰壽登期願

張 醕

上靳村人品行端方閭里奉為典型晚年尤
精風鑑著有陽宅星學續編壽八十有二

梁

焯

趙曲里人性端謹事繼母以孝稱規行矩步鄉里引重焉壽躋八旬

梁

衡

趙曲里人郡庠生設帳訓家樂育不倦壽登耄耋

張維泰

京安鎮人歲貢生力學敦行士林引重又善誘掖後進從遊者多所成就行年七十有七子孫

繼美庠序蜚聲人皆以爲盛德之報

--	--	--	--

襄陵縣志卷之二十二

祥異

鳳儀獸舞二典紀治平之祥鵠飛石言三傳述怪異之
驗若夫河清星聚嘉禾卿雲莫不因

聖主之當陽斯以召諸祥之畢致備錄往古以及
熙朝可以考風化隆污政治得失云

明

成化二年大饑

嘉靖七年大旱蝗

二麥無收秋禾失望民不聊生知縣張偉開倉賑濟逾歲乃安

八年察院內蓮開並頭者二本一時稱異

十一年歲大祲

災傷最甚亡者枕藉知縣何思申請發粟

二十二年汾水泛漲異常

中流覆舟平陽衛馬指揮淹沒其中小民同沒者衆

二十四年卿雲見

十一月復見

三十四年十二月十二日夜半地大震有聲如雷

壞居民廬

舍壓死者九十餘人汾河兩岸地裂成渠寬尺餘或湧沙或湧水自後頻震無時累月乃息

萬曆十四年歲大饑

二十二年學宮火瑞

儒學啟聖祠夜四更有火光自簷下出週繞祠宇忽有聲如雷其光

自敬一亭流入尊經閣前楊樹內光芒上灼約丈許黎明方已次日官民來視樹葉依然無損識者以爲文明之象

二十七年大旱

斗米二錢半山川草木無復寸遺

三十三年水災

汾河泛溢異常一時灘地盡皆潰陷中流忽浪擁起如峯船壞溺死者殆以百

數

四十一年水災

議賑濟屏霍門外晉橋衝毀

崇禎十一年飛蝗蔽日食禾殆盡

十二年十三年薦饑

旱魃奇虐米麥斗入錢民食樹皮
艸根死者枕藉道路人相食知縣

李用質躬歷各鄉勸諭設

廠賑粥饑民多賴以全活

國朝

順治九年霖雨浹月

汾流泛漲民舍多漂沒

十一年大有年

十一年蓮並蒂

城南荷香亭畔蓮開並頭其莖挺出馨
艷異常是年科名最盛

康熙二十七年奉

恩詔錢糧全免

二十九年九月二十五日地微動

三十年旱 六月蝗發 帑賑濟

三十一年旱蝗大饑蠲糧有差

三十二年大有麥

三十四年四月初六日戌時地震

有聲如雷城垣學宮
公署民居傾覆殆盡

死者不可勝計數日後黑青見暮夜攫人多被傷者
知府王詳請奉

旨發帑賑濟又給貧民蓋房銀每間一兩又給埋瘞銀大
口二兩小口七錢五分

三十七年旱饑奉

恩詔錢糧全免

五十九年春大霾塵積見錢形是歲旱秋無禾至六十年六月不雨斗米八九錢不等木皮炒根剥掘殆盡總

憲朱 奉

旨賑濟六月二十七日大雨秋禾大稔民有起色

六十一年旱饑

雍正三年日月合璧五星聯珠

四年南閩廂民粟星奇一舉生三男

乾隆元年大有麥

八年閏四月初八日夜有大流星自東轉於西北光明
照地聲震如雷移時方息夏大暑

十年正月十二日有大星晨墜自東而西傾之有聲
二十年大有年麥有秀兩歧者

五十年旱麥禾歉收

五十八年大有年

嘉慶九年旱饑奉

嘉慶縣志 卷之二十三
四
旨開倉平糶秋停征

十年秋復旱奉

恩詔撫恤賑濟蠲緩錢糧

十八年地震 塌損民房甚衆

道光元年五星聯珠

十二年秋大水 南關廂屯里村被害較重冬大雪

十五年三月霾風四起

十七年六月 城南荷香亭遠開並頭

二十三年六月 荷香亭蓮開並頭

二十五年夏六月朔夜天鼓鳴有大星從東北隕於西

南

咸豐三年正月十九日寅時天紅如血 夏六月南梁村關帝廟鐘不擊

自鳴是日午大雷雨河水暴發秋八月粵匪寇平陽陷郡城逼襄陵汾水暴漲數尺賊始去

六年冬地震 日三四次

同治二年桃李重華

三年八月日冠珥

卷之三十三
五
六年夏月

南梁村關帝廟鐘不擊自鳴冬十一月拾匪竄入縣境逼掠鄉村

七年夏大有麥秋冬豺狼噬人

十年夏麥秀雙歧

光緒三年大旱二麥不登秋無禾

米麥斗三兩有奇民饑乏食樹皮草根挖

剥殆盡甚有食乾泥者
餓殍盈野道路人相食

曾撫憲曾 奉

旨賑濟蠲免本年下忙錢糧

四年春大瘟民間死亡益衆夏無麥秋成復歉奉

恩詔錢糧全免加賑恤災民

五年秋田鼠食禾奉

旨蠲免本年下忙錢糧冬豺狼噬人

六年大有麥秋歉收

方聞

永嘉中有韓媪燕村人於野中見巨卵持歸得嬰兒方
四歲劉淵築平陽城不能就募能城者此兒應募變爲
蛇令媪以灰誌其後憑灰築城果如所言淵怪之逐蛇
入平山穴中露尾數寸斬之有泉出穴遂名金龍池

賈庄佛寺金碧輝煌且甚幽窳每於日中闔門向窻隙
窺之見佛像懷中大松一株翠葉婆娑啟戶視則無有
也

父老傳云有白犬不知何來晨夕出沒崖山之上田夫野豎見而怪之率眾突追犬遂躍入崖穴不見乃掘得小洞內有二郎神像傍一小犬宛然肖所追者眾方駭異以為神明見靈此地因構廟祀之今其地名為二郎溝

普救將赴京都預示弟子六月十九日雨罷時予即歸山抵京揭唐太宗祈雨榜要皇后為洗足雨始得唐宗從之遂以穢水上潑霖霖頓注唐宗曰此真普救雨於

是普救謝而歸時六月十九也今逢其期多雨俗呼爲洗足雨今普救寺在大尖山

鄧殷爲淮南太守夢行水邊見一女子猛獸自後斷其盤囊占者謂水邊有女汝字也斷盤囊者新獸頭代舊獸頭也不作汝陰當作汝南也果遷汝陰太守

秦地一病夫遇醫療之不取謝第令立券囑云俟痊赴襄陵龍澍峪來謝後其人如約及至峪瞻禮神像宛肖前醫挿香於爐原券伏其中始知爲華大王之靈異

萬曆中西梁村賈人販於海外歸里日臨岸見二道人
眉宇軒豁骨格俊異謂曰吾與若鄉里也若可寄吾家
信及詢居址乃曰第過岸啟視吾函卽知吾居矣客登
舟驚浪拍天舟不沒者版寸許閱日始渡海啟函止硃
書子房送舟四字同舟人因於岸立子房公廟

萬曆年間興樂寺集諸僧翻誦藏經屢月事竣勒碑博
一石磨之達摩妙相見焉金玉交輝愈磨愈光噫嘻豈
偶爾哉匪獨石竒而事亦竒矣 縣令陳勗贊曰於維

奇石出自姑射露矣青蓮宛若天竺維石可瞻質以崑
鋤曇花繚繞逼真海南倬彼貞珉霞燦雲叢丹青炳若
巧奪天工異兮靈光金玉其相吾爲爾贊永庇堯襄